



in dem gauschlichen leuen. **D**v erst tagwaid ist künsc  
kaut. **D**v and ist an augen  
schaft. **D**v drit ist gehorsamu.  
**S**o wirt den d mētsch ain  
rol lösch in dem vnser herre  
brinet. dz sint tvgethafft hē  
zen. vñ gvt lvt. So mōst den  
die lvt wundren. so si sehent  
dz gauschlich lvt so vil arbai  
ten mvget vñ geliden an dē  
like. wie si dz erenden mvget  
so wissent sv nht dz Got ze  
allerzit in ir hēzen brinet  
vñ in alle ir arbat hilfet tra  
gen. Dar nach kam er zō  
dem berg oreb. dz sprichet  
als vil als ain krvg. od als  
ain tisch. dz ist als vil gespro  
chen. zwah din hende vñ gan  
ge zō dem tische. dz ist also  
dz ain mētsch sin hertze lvt  
vñ rāin mache von allen vn  
tvgenden. won dz ist billich.  
**S**w zō dem tisch sol gan vn  
sers hēzen gnade. dz der sin h  
ze beraitet mit allem flisse.  
vñ gang den dar. vñ enphah  
hymelschen trost vñ vrede.

**D**v and berg ist ain rāin hēz  
wan als d berg hoh ist vñ schō  
ne. vñ all vnsuberkait ab dem  
bige in dz tal flvstet. also beschi  
het dem rāinen hēzen. dar sich  
erhöhet hat. von allen vnnüt  
zen dingen. vñ allen sinen sin  
an Got keret. von dem schaidet  
allv beswārde. vñ allv vntugēd.  
wan sv dik mit sin hēzen vn  
rem hēzen hainlich ist. d mōst  
all vntugend fliehen. **D**er ab  
dik in sinem hēzen mit vntu  
genden vñ vnnützen Worten  
vmb gat. dem geschicht als dem  
tal in dz flvstet mānig vnald.  
**D**v sonne löhtet och e vff den  
berg. den in dz tal. Also geschicht  
dem tvgenthaften hēzen dem  
löhtet dv ewig sonne vnser  
hēzen mit sinen gnaden. me den  
dem hēzen dz sich bekvmbt mit  
vnnützen dingen. Dar vmb  
sol ain tvgenthaft mētsche  
allen den kvmb den es vff ert  
rich vmb dekam dng haben  
solte. vnserm hēzen bevelhen.  
vñ sol alle sin sorg an Got le  
gen vñ lan. won vnser herre